

YUTA SA MGA GRANADA

Mensahe 9

Yuta sa Mga Granada

Basahong Kasulatan: Deut. 8:8; Exo. 28:33-34; 1 Hari 7:18-20;
A. A. 4:3b, 13; 2 Ped. 1:3-8

- I. **Sa Biblia nagtimaan ang mga granada sa kahupong sa kinabuhi, sa kadagaya ug katahom sa kinabuhi, ug sa pagpadayag sa kadato sa kinabuhi—Deut. 8:8; Exo. 28:33-34; 1 Hari 7:18-20; A. A. 4:3b, 13a:**
 - A. Naghatag og impresyon sa kahupong sa kinabuhi ug sa kadagaya ug katahom sa kinabuhi ang hinog nga granada ug ang mga liso niini.
 - B. Kon magsinati ug magpahimulos ta ni Cristo nga trigo, cebada, paras, ug kahoyng higera, maanaa nato ang kadagaya sa kinabuhi ni Cristo, ug mag-uban nato ang katahom ni Cristo; kini ang pagsinati ni Cristo nga granada.
 - C. Kon motubo ta sa kinabuhi hangtod mahamtong, mahimo tang mga granada—Col. 2:19; 1:28:
 1. Labi tang magpabuot ug magpalimiti ni Ginoong Jesus tungod sa paghigugma nato Kaniya, labi tang motubo sa kinabuhi—vv. 13, 28.
 2. Kon nakakita ta sa panan-awon sa pagkamalangkobon-sa-tanan ug pagkamasangkaron ni Cristo, itingob nato ang tibuok natong pagkatawo ning Cristoha, ug pun-on ug suropan ta Niya—v. 12; 2:9, 16-17; 3:10-11:
 - a. Maokupahan ang atong pagkatawo sa lapad kaayo, dili matugkad nga dato, masangkarong Cristo—Efe. 3:18.
 - b. Alang nato ang pagkabuhi mao si Cristo nga nanag-iya nato ug nagpuno ug nag-okupar nato sa Iyang Kaugalingon—Fil. 1:20-21a; Efe. 3:17a.
 3. Ang mahingkod diha ni Cristo mapuno, masuropan ug matuhopan mag Cristo—Col. 1:28:
 - a. Kini ang maokupahan ni Cristo ang tanang bahin sa atong pagkatawo—Efe. 3:17a; Gal. 4:19b.
 - b. Kini ang pagtubo ug pagkahamtong sa kinabuhi, ang lugwa sa pagsinati ni Cristo nga gipadayag sa Colosas—2:9, 19; 3:4, 10-11.
- II. **Naa sa sidsid sa kupo sa labawng sacerdote, nga nagtimaan sa iglesia, ang mga granada ug mga kampanyang bulawan—Exo. 28:33-34:**
 - A. Puno gyod untag kinabuhi ang iglesia sa pagka-tawo niini; kini ang kahulogan sa mga granadang hinimo sa lino.
 - B. Dunay pagka-tawo ang iglesia nga nagpadayag sa pagkapuno sa kinabuhi ug pagkadios sab nga nagpatingog sa mga kampanyang bulawan:
 1. Napadayag ang pagkapuno sa kinabuhi sa pagka-tawo sa iglesia,

MGA TALAMDAN SA PAGBANSAY

Mensahe 9 (sumpay)

apan napadayag ang tingog nga nagpasidaan sa pagkadios sa iglesia (sa mga kampanyang bulawan).

2. Una duna tay pagpadayag sa pagkapuno sa kinabuhi ug ang pagpatingog dayon sa mga kampanyang bulawan, sa ato pa, ang pagpamulong gikan sa pagkadios sa iglesia.
3. Mga ilhanan sa hustong iglesihanong kinabuhi ang katahom sa kinabuhi nga gipadayag sa pagka-tawo nato ug ang diosnong pagpatingog gikan sa mga kampanyang bulawan.

III. Ang duha ka gatos ka granada libot sa mga uloulo nga naa sa tumoy sa mga haligi sa templo nagtimaan sa pagpadayag sa kadato sa kinabuhi—1 Hari 7:18-20; 2 Cron. 3:15-16; Jer. 52:22-23:

- A. Kadtong naghukom sa ilang kaugalingon (tumbaga) ug nag-isip sa ilang kaugalingon nga balewala makahimo sa pagpangako sa hingpit taliwala sa makuti ug nagkasagol nga sitwasyon (binuhat nga kinuroskuros ug buhat nga tinalikala) tungod kay wala man sila magkinabuhi sa ilang kaugalingon kondili sa pagtuo sa Dios (buhat sa lirio); busa, nagpadayag sila sa kadato sa kinabuhi duha ka gatos ka pilo (mga granada)—1 Hari 7:15-22.
- B. Sa matag usa ka gatos ka granada, kasiyamag unom ang paingon sa gawas, ug upat ang natabonan—Jer. 52:22-23:
 1. Kompleto sa walay kataposan, naa sa kalunhaw sa pagkabanhaw, ug naa sa Espiritu ang pagpadayag sa kadato sa kinabuhi.
 2. Nagpasabot kanang natago ang upat sa matag usa ka gatos ka granada nga tagoan gyod ang atong natural nga pagkatawo, natural nga kinabuhi, ug kaugalingon.
 3. Kon mawala na ang atong natural nga pagkatawo, mabatonan nato ang kasiyamag unom ka granada, ang datong pagpadayag sa kinabuhi ni Cristo diha sa realidad sa espirituhanong hangin.

IV. Matod pa sa Awit sa Mga Awit, dunay espirituhanong kahulogan ang mga granada diha sa nagkauswag nga pagsinati sa mahigugmaong pakig-ambitay sa tinagsang magtutuo uban ni Cristo—4:3b, 13a; 6:7, 11; 7:12; 8:2b:

- A. “Ang imong mga aping sama sa usa ka buok granada / Sa luyo sa imong pandong”—4:3b; 6:7.
- B. “Niadto ko sa kakahoyan nga nagpatubo og mga liso, / Aron motan-aw sa kalunhaw sa walog, / Aron motan-aw kon namutot na ba ang paras, / Kon namulak na ba ang mga granada”—v. 11.
- C. “Mosayo ta pagbangon aron moadto sa kaparasan; / Tan-awon nato kon namutot na ba ang paras, / Kon nibuklad na ba ang piyoos, / Kon namulak na ba ang mga granada; / Didto ihatag ko kanimo ang akong gugma”—7:12.
- D. “Paimnon ka nakog binong gipanakotan / Gikan sa duga sa akong granada”—8:2b.

YUTA SA MGA GRANADA

Mensahe 9 (sumpay)

- E. “Ang imong mga saha kakahoyan sa mga granada / Nga may labing bililhong bunga”—4:13a:
1. Sa pagpahimulos ni Cristo sa maghihigugma Niya, tanamang tinakpan siya nga nagpatubo sa tanang matang nga tanom nga nagkalainlaig kolor nga nagkalainlaing pagpadayag sa kinabuhi sa sulod ug nagkadaiyag kahumot nga datong pagpadayag sa hamtong nga kinabuhi—vv. 13-14.
 2. Nahimo kining katahom sa maghihigugma ngadto sa Ginoo; dato na karon sa kinabuhi ang maghihigugma ni Cristo, nga nagpalugwag mga bunga nga motil-og ug molunhaw, nagpaalimyon og mga kahumot, ug nagpasundayag og matahom nga mga kolor nga mapahimuslan ni Cristo.

V. Makita nato sa 2 Pedro 1:3-8 ang pag-uswag sa maayo kaayong kagawian pinaagi sa pagpahimulos sa diosnong kinaiya:

- A. Ang “tanang butang nga may kalabotan sa kinabuhi ug pagkadiosnon” mao ang nagkalainlaing aspeto sa diosnong kinabuhi nga gihulagwayan sa kadato sa abot sa maayong yuta—v. 3:
1. Naa sa sulod ang kinabuhi, nga nakapabuhi nato, ug dayag ang pagkadiosnon nga pagpadayag sa kinabuhi sa sulod.
 2. Ang kinabuhi maoy kalagsik sa sulod, ang kusog sa sulod, nga makapalugwa sa dayag nga pagkadiosnon, nga magdala ngadto sa ug moresulta sa himaya.
- B. Maisip nga malangkobon-sa-tanan nga binhi sa kinabuhi ang pagtuo, ug ang gugma maoy bunga sa hingpit nga pagkaugmad niini—vv. 3, 8.
- C. Sa kaulahian, naa tay hingpit nga pagkaugmad ug pagkahamtong sa kinabuhi gikan sa binhi sa pagtuo, pinaagi sa mga gamot sa maayong gawi ug kahibalo, sa punoan sa pagpugong-sa-kaugalingon, ug sa mga sanga sa pagkamaintoson ug pagkadiosnon, hangtod sa bulak ug bunga sa gugmang inigsoon ug gugma—vv. 5-8.